



Broj: UP09-07-3-818/20  
Sarajevo, 03.09.2020.godine

Ministarstvo pravde Bosne i Hercegovine, rješavajući Zahtjev osnivača FONDACIJE „APOTROPOS“, u predmetu upis u Registar fondacija, na osnovu člana 8. i člana 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 68/18), donosi

### RJEŠENJE

1. U Registar fondacija kod Ministarstva pravde Bosne i Hercegovine, pod registarskim brojem **RF:189**, knjiga II Registra, sa danom 03.09.2020.godine upisuje se fondacija pod nazivom:

FONDACIJA „APOTROPOS“  
ФОНДАЦИЈА „АПОТРОПОС“  
ZAKLADA „APOTROPOS“

Sjedište Fondacije je: Bihać, ulica Hamdije Pozderca bb.

2. Fondacija ima svoj znak, koji je predstavljen sa dvije suprotstavljene piramide sa vrhovima u kontaktu i u solidarnosti zamotane cilindar Fibonačijevom spiralom, sa zlatnim presjekom, okruženo na rubu slovima natpisa Fondacije na tri jezika i dva pisma, koji su u službenoj upotrebi u Bosni i Hercegovini, a u donjem dijelu unutarnjeg kruga se nalazi drugi dio naziva Fondacije, „APOTROPOS“.
3. Danom upisa u registar Ministarstva, Fondacija stiče svojstvo pravnog lica i ima pravo djelovati na cijelom području Bosne i Hercegovine, isključivo pod registrovanim nazivom.
4. Ciljevi i djelatnosti Fondacije su: čuvanje ekosistema, društvene solidarnosti, zaštite ambijenta, ekonomske održivosti i obavlja vlastite aktivnosti u okviru grupe Beneandanti i posebno u sektorima dobrotvornog rada, zaštite građanskih prava, promocija prirodnih zakona, kulture, zdravlja, blagostanja, obrazovanja, istraživanja i razvoja novih tehnologija, naučnog istraživanja uz dodjeljivanje stipendija u suradnji sa univerzitetima, upoznavanje i poštivanje aboridžanskih kultura; organizovanje i realizacija didaktičkih aktivnosti u osnovnim školama u korist djece iz ruralnih zajednica i onih u nepovoljnom položaju; podrška strukturama koje prihvataju djecu, kao i hraniteljskih porodica; organizacija radionica u vezi sa društvenim problemima i problemima okoliša, prirodne dinamike, poljoprivrede i korištenja tehnologije sa malim utjecajima na okoliš; organiziranje radionica u vezi društvenih problema i problema okoliša; organiziranje radionica u vezi hrane i domaćinstva; organiziranje radionica u vezi poremećaja u ponašanju mladih; organiziranje specijaliziranih profesionalnih radionica za osnivače privrednih društava sa ciljem poboljšanja poslovanja; organiziranje kurseva za informatičko opismenjavanje odraslih; organiziranje kurseva za edukatore koji su u bliskoj suradnji sa Fondacijom; promocija digniteta čovjeka, pružanje materijalne i tehničke podrške saradnicima; promocija socijalne ekonomije; obrazovne aktivnosti na temu inter-kulturalnog razvoja; razvoj mreže učesnika u obrazovnim aktivnostima međunarodnih operatera i planiranje aktivnosti i suradnje; projektovanje i izgradnja eko-sela; društvene vrijednosti kojom se podiže kvalitet života pojedinca, odnosno unapređuje razvoj društvene zajednice; promovisanje i širenje modela Beneandanti „Kult Beneandanti“ kao i njegovanje tradicije postojanja Bogumila „Bogumilstvo“ i njihovog naslijeđa; promocija ljudskih prava, prava lica sa invaliditetom; zaštita djece sa teškoćama u razvoju; jednakost i ravnopravnost; prava nacionalnih manjina; jednakost i ravnopravnost u borbi protiv diskriminacije; zaštita od nasilja; aktivnosti djece i mladih; borba protiv različitih oblika ovisnosti; razvoj volonterizma, humanitarnih aktivnosti, socijalne zaštite, zaštite okoliša i prirode; zaštita zdravlja ljudi; zaštita umjetnosti, obrazovanja, kulture; pomoć u zapošljavanju i samozapošljavanju.

Fondacija se razvrstava za područja djelovanja: 1. Branitelji i stradalnici; 2. Građanske inicijative; 3. Duhovnost; 4. Privreda; 6. Kultura i umjetnost; 7. Ljudska prava; 8. Suradnja; 9. Obrazovanje, nauka i istraživanje; 10. Održivi razvoj; 11. Socijalna djelatnost; 13. Tehnička kultura i informacijske tehnologije; 14. Zaštita zdravlja; 15. Zaštita okoliša i prirode; 16. Zaštita okoliša i prirode i 17. Civilno društvo.

5. Osobe ovlaštene za zastupanje Fondacije su:

- Antonio Sergi Sergas, predsjednik Fondacije i
- Besim Šarić, zamjenik predsjednik Fondaciju.

6. U slučaju nastupanja promjena činjenica koje su upisane u Registar, Fondacija je dužna u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenju i dopunu registracije, u roku od 30 dana od dana izvršene promjene.

7. Ovo Rješenje će se objaviti u „Službenom glasniku BiH“, o trošku podnosioca zahtjeva.

### O b r a z l o ž e n j e

Osnivači FONDACIJE „APOTROPOS“ je dana 29.04.2020. godine, putem ovlaštene osobe podnijela zahtjev za upis u Registar fondacija kod Ministarstva pravde Bosne i Hercegovine, na osnovu Zakona o udruženjima i fondacijama Bosne i Hercegovine, pod prvobitnim nazivom: MEĐUNARODNA FONDACIJA „APOTROPOS“.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktima, broj: UP09-07-3-818/20 od 09.06.2020. godine i 21.07.2020. godine zatražilo ispravku i dopunu zahtjeva.


Podnositelj zahtjeva je podnescima od 13.07.2020. godine i 03.08.2020. godine izvršio izmjene i dopune zahtjeva, te je uz zahtjev za upis u Registar fondacija priložio slijedeću dokumentaciju: ovjerene punomoći Osnivača Fondacije za lice ovlašteno za upis Fondacije u Registra; Odluku o osnivanju Fondacije, bez broja i datuma; prijevod dijela naziva Fondacije, sačinjen od Halilović-Šišić Maše, stalnog sudskog tumača za engleski jezik, broj: 354/20 od 07.07.2020. godine; Izjavu u skladu sa članom 31. stav 1.f) Zakona, ovjerenu od nadležnog organa, ov.br: 07/2-04-01/20 od 19.06.2020. godine; Odluku o imenovanju Upravnog odbora Fondacije od 12.02.2020. godine; ovjerene Izjave imenovanih članova Upravnog odbora Fondacije o prihvatanju članstva; dva primjerka Statuta Fondacije, bez broja i datuma; akt Službe za poslove sa strancima Ministarstva sigurnosti Bosne i Hercegovine, broj: 18.16-50-1043/20 od 27.07.2020. godine, u prilogu kojeg su dostavljeni punovažni dokazi o odobrenju boravka članovima Upravnog odbora Fondacije-stranim državljanima na tlu Bosne i Hercegovine; dokaz o novčanim sredstvima Fondacije izdat od SPARKASSE Bank d.d. Bosna i Hercegovina, Filijala Bihać, od 27.04.2020. godine; Odluku o imenovanju lica ovlaštenih za zastupanje Fondacije od 14.02.2020. godine, kao i ovjerene vlastoručne potpise imenovanih lica; otisak i opis znaka Fondacije; te dokaz o uplati administrativne takse.

Uvidom u priloženu dokumentaciju utvrđeno je da su ispunjeni svi uslovi predviđeni čl.8. i 33. Zakona o udruženjima i fondacijama Bosne i Hercegovine i čl. 4. stav 1. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis FONDACIJE „APOTROPOS“ u Registar Ministarstva.

Na ovo Rješenje naplaćena je administrativna taksa u iznosu od 200,00 KM u skladu sa TAR.Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

#### **Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



#### **Dostavljeno:**

- Besim Šarić (za MEĐUNARODNU FONDACIJU „APOTROPOS“);
- Trg Zlatnih ljiljana broj 8/B, 77 000 BIHAĆ i ovjeren primjerak Statuta Fondacije;
- Zbirka isprava;
- JP NIO "Službeni list BiH".